



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Ritus benedicendi novam Ecclesiam seu Oratorium publicum, ut ibi
sanctissimum Missæ Sacrificium celebrari possit.

urn:nbn:de:hbz:466:1-41233

condis habitaculum; da ædificationi tuæ incrementa cælestia, ut, quod te jubente fundatur, te largiente perficiatur. Per Christum Dominum nostrum. *Resp.* Amen.

Ritus benedicendi novam Ecclesiam, seu Oratorium publicum, ut ibi sanctissimum Missæ Sacrificium celebrari possit.

Sacerdos, novam Ecclesiam, de licentia Episcopi, benedicturus, ut in ea divinum Sacrificium Missæ rite celebretur; stolâ ac pluviali albi coloris indutus, aliquot Sacerdotibus & Clericis adhibitis, prælatâ Cruce mediâ inter duos Clericos, deferentes cereos accensos, mane procedit ad primariam Ecclesiæ vel Oratorii januam; ubi stans capite aperto, conversus ad eam, dicit absolute Orationem:

Actiones nostras, quæsumus Domine, aspirando præveni, & adjuvando prosequere: ut cuncta nostra oratio & operatio à te semper incipiat, & per te cœpta finiatur. Per Christum Dominum nostrum. *Resp.* Amen. Deinde inchoat Antiphonam, Asperges me, Domine, &c. & Clerus alternatim dicit Psalm. Miserere mei Deus; ut supra. In fine, Gloria Patri. Interim circumdant exterius Ecclesiam (quæ intus debet esse vacua & nuda, & pariter altaria nuda, excluso populo, donec absoluta sit benedictio;) & Sacerdos,

cerdos, accepto aspergillo ex herba hyssopi, ad ejus dexteram se convertens, parietes Ecclesie in superiori parte, & in fundamentis, cum aqua benedicta aspergit, dicens: Asperges me Domine hyssopo, & mundabor; lavabis me, & super nivem dealbabor. Reversi ad locum, unde processio initium habuit, repetitâ Antiph. à Clero, Sacerdos, stans, ut prius, versus Ecclesiam dicit: Oremus. & Ministri: Flectamus genua. Resp. Levate.

Oratio.

Domine Deus, qui licet cælo & terrâ non capiaris, domum tamen dignaris habere in terris, ubi nomen tuum jugiter invoceatur; locum hunc, quæsumus, Beatæ Mariæ semper Virginis, & Beati N. omniumque Sanctorum intercedentibus meritis, sereno pietatis tuæ intuitu visita, & per infusionem gratiæ tuæ ab omni inquinamento purifica, purificatumque conserva; &, qui dilecti tui David devotionem in filii sui Salomonis opere complevisti, in hoc opere desideria nostra perficere digneris; effugiantque omnes hinc nequitia spirituales. Per Dominum nostrum &c.

Qua finita Oratione, omnes, bini in Ecclesiam intrantes, ad Altare majus procedunt, Litanias decantantes, ut supra.

Pag. 156.

Vbi

Vbi dictum fuerit , Ut omnibus fidelibus defunctis requiem æternam donare digneris, Te rogamus audi nos , surgit Sacerdos, & intelligibili voce dicit : Ut hanc Ecclesiam & Altare, ad honorem tuum , & nomen Sancti tui N. purgare & benedicere ✠ digneris. Te rogamus , audi nos. cùm dicit, benedicere, manu dextra benedicit Ecclesiam , & Altare : deinde , ut prius , genuflectit , donec perficiantur Litanie : & Cantores prosequuntur,

Ut nos exaudire digneris , Te rogamus audi nos. Fili Dei, Te rogamus audi nos. Agnus Dei, &c. Dicto ultimo Kyrie eleison , Sacerdos stans dicit : Oremus. Ministri : Flectamus genua. Resp. Levate.

P*Ræveniat nos, quæsumus Domine, misericordia tua : & , intercedentibus omnibus Sanctis tuis, voces nostras clementia tuæ propitiationis anticipet. Per Christum Dominum nostrum. Resp. Amen.*

Tum, ab Altari distans congruenti spatio , genuflexus , & se signans , dicit : Deus , in adiutorium meum intende. & statim surgit, Clerico respondente : Domine ad adjuvandum me festina. ipse vero stans dicit : Gloria Patri, & Filio : & Spiritui sancto. Chorus respondet : Sicut erat in principio , & nunc , &c. Postea Sacerdos dicit :

Ore-

Oremus. *Ministri:* Flectamus genua. *Resp.* Levate.

Oratio.

Omnipotens & misericors Deus, qui Sacerdotibus tuis tantam præ cæteris gratiam contulisti, ut, quidquid in tuo nomine digne perfecteque ab eis agitur, à te fieri credatur; quæsumus immensam clementiam tuam, ut, quidquid modo visitaturi sumus, visites, & quidquid benedicturi sumus, benedicas ✠, sitque ad nostræ humilitatis introitum, Sanctorum tuorum meritis, fuga dæmonum, Angeli pacis ingressus. Per Dominum nostrum Iesum Christum, &c.

His dictis, inchoat Antiph. Benedic Domine domum istam, nomini tuo ædificatam. *cum tribus Psalmis sequentibus, videlicet. Psalm. 119.*

AD Dominum, cum tribularer, clamavi, &c. *ut supra. In fine, Gloria Patri, &c.*

Pag. 240.

Psalmus 120.

Levavi oculos meos in montes, &c. *ut supra. In fine, Gloria Patri, &c. Psalm. 121.*

Pag. 241.

Lætatus sum in his, quæ dicta sunt mihi: in domum Domini ibimus.

Stantes erant pedes nostri: in atriis tuis Ierusalem.

Ierusalem, quæ ædificatur ut civitas: cujus participatio ejus in idipsum.

H h h

Illuc

Illuc enim ascenderunt tribus, tribus Domini : testimonium Israël ad confitendum nomini Domini.

Quia illic sederunt sedes in iudicio : sedes super domum David.

Rogate quæ ad pacem sunt Ierusalem : & abundantia diligentibus te.

Fiat pax in virtute tua : & abundantia in turribus tuis.

Propter fratres meos & proximos meos : loquebar pacem de te.

Propter domum Domini Dei nostri: quæfivi bona tibi.

Gloria Patri, &c.

Antiphona. Benedic, Domine, domum istam, nomini tuo ædificatam.

Interim aspergit interius parietes in parte superiori & inferiori, inchoans aspersionem à parte Evangelii, dicens : Asperges me Domine, &c. Tum, ad Altare reversus, dicit : Oremus. Ministri: Flectamus genua. Resp. Levate.

DEus, qui loca, nomini tuo dicanda, sanctificas ; effunde super hanc orationis domum gratiam tuam, ut ab omnibus, hic nomen tuum invocantibus, auxilium tuæ misericordiæ sentiat. Per Dominum nostrum Iesum Christum, Filium tuum, &c.

His

His peractis, dicitur Missa de tempore occurrenti, vel de Sancto.

Ecclesia verò, quamvis à simplici Sacerdote, ut supra, sit benedicta, ab Episcopo tamen consecranda est.

Ritus reconciliandi Ecclesiam violatam, si nondum erat ab Episcopo consecrata.

Ecclesia violata reconciliatio, per Sacerdotem, ab Episcopo delegatum, fiat hoc modo. Altare Ecclesie omnino nudetur; provideaturque, ut Ecclesia possit liberè circumiri, tam exterius quam interius, si fieri potest: paretur vasculum cum aqua benedicta, & aspergillum de herba hyssopo factum. Sacerdos, indutus amictu, albâ, cingulo, stolâ & pluviali albo, adhibitis aliquot Sacerdotibus & Clericis, procedit ad primariam Ecclesie portam; ubi stans, Antiphonam incipit, dicens, Clero prosequente:

Asperges me Domine hyssopo, & munda-
bor; lavabis me, & super nivem dealbabor.
Psalm. Miserere mei Deus; totus, cum Gloria Pag. 150.
Patri.

Quo finito, Antiphona repetitur. Interim dum Antiphona & Psalmus dicuntur, Sacerdos cum aqua benedicta aspergit in circuitu extrinsecus Ecclesiam & Cœmeterium, simul aspergendo alternatim ad parietes Ecclesie ac terram Cœmeterii, præsertim ad loca contaminata. Quo facto, redit ad locum, ubi incepit aspergere; & stans dicit:

H h h 2

Ore-